

А Ж Р И М

(ярашганлик муносабати билан жиноят ишини тугатиш тўғрисида)

2023 йил февраль ойининг 15 куни жиноят ишлари бўйича Марғилон шаҳар судининг очик суд мажлиси ўз биносида бўлиб, раислик қилувчи М.Марахимов, Ҳ.Омоновнинг суд мажлиси котиблигида, Марғилон шаҳар прокурори ёрдамчиси Н.Қобилжонов, гумон қилинувчи Р.Хусанбаев ва унинг ҳимоячиси А.Жўраев ҳамда жабрланувчи Қ.Азимов ва унинг қонуний вакили Х.Турдиматованинг иштирокида,

Хусанбаев Рўзимухаммад Исмоилжон ўғли (Xusanbayev Ro'zimuxammad Ismoiljon o'g'li), 2000 йил 3 январда Марғилон шаҳрида туғилган, ўзбек, Ўзбекистон фуқароси, маълумоти ўрта-махсус, ишламайди, оилали, судланмаган, Марғилон шаҳар, Шолдирама маҳалла фуқаролар йиғини, Қандолатчи кўчаси, 130-уйда яшайди.

Ўзбекистон Республикаси Жиноят кодекси 168-моддаси 1-қисми билан гумон қилинувчига оид 1-1513-2301/80-сонли жиноят ишини кўриб чиқиб, қуйидагиларни

А Н И Қ Л А Д И :

Гумон қилинувчи Хусанбаев Рўзимухаммад Исмоилжон ўғли 2022 йил 3 декабрь куни соат 17⁰⁰ларда, Марғилон шаҳар Марказида жойлашган Цум савдо мажмуаси олдида вояга етмаган Азимов Қувончбек Қахрамонжон ўғлини мулкани фирибгарлик йўли билан қўлга киритишни мақсад қилиб, у билан учрашиб, унга пиротехника воситалари сотишини, унга арзон нархларда пиротехника воситаларини сотишин айтиб, уни алдаб, унинг 840.000 сўм пулларини фирибгарлик йўли билан қўлга киритиб, ўзининг эҳтиёжларига сарфлаб юбориб, Қ.Азимовга 840.000 сўм моддий зарар етказган.

Дастлабки тергов давомида гумон қилинувчи Р.Хусанбаев ва жабрланувчи Қ.Азимов ариза билан мурожаат қилишиб, жиноят ишини ярашганликлари муносабати билан тугатишни сўрашган.

Марғилон шаҳар ИИБ ҳузуридаги ТБ терговчисининг 2022 йил 29 декабрдаги қарорига кўра, гумон қилинувчи Р.Хусанбаевга нисбатан Ўзбекистон Республикаси Жиноят кодекси 168-моддаси 1-қисми билан юритилган жиноят иши ярашганлик муносабати билан тугатиш масаласини ҳал қилиш учун судга юборилган.

Гумон қилинувчи Р.Хусанбаев судда, ярашув тўғрисидаги аризасини қувватлаб, айбига тўлиқ иқрор экани, қилмишидан пушаймонлиги, содир этган қилмишининг оқибатларини англагани, жабрланувчи Қ.Азимовга етказилган зарарни тўлиқ қоплагани, ҳозирда жабрланувчи Қ.Азимов билан бирон-бир тазйиксиз ярашиб олгани ҳақида кўрсатув бериб, жиноят ишини тугатишни сўради.

Жабрланувчи Қ.Азимов қонуний вакили Х.Турдиматовани иштирокида судда, ярашув тўғрисидаги аризани қувватлаб, Р.Хусанбаевга нисбатан ҳеч



қандай даъвоси йўқлиги, етказилган зарар тўлиқ қоплангани, аризани ўз хоҳиши билан ёзгани, унга бирон-бир тазйиқ бўлмагани, ҳозирда соғлиғи яхши экани, ярашув суд томонидан тасдиқлангандан кейин келиб чиқадиган ҳуқуқий оқибатларни тушингани ҳақида кўрсатув бериб, жиноят ишини тугатишни сўради.

Ўзбекистон Республикаси ЖКнинг 66¹-моддасида, ЖКнинг 168-моддаси 1-қисмида назарда тутилган жиноятни содир этган шахс, агар у ўз айбига иқрор бўлса, жабрланувчи билан ярашса ва етказилган зарарни бартараф этса, ярашилганлиги муносабати билан жинойий жавобгарликдан озод этилиши мумкинлиги кўрсатилган.

Суд жабрланувчи Қ.Азимов ва гумон қилинувчи Р.Хусанбаевнинг ярашув тўғрисидаги аризаларини жиноят иши ҳужжатлари билан ўрганиб, ҳимоячи А.Жўраев ва Марғилон шаҳар прокурори ёрдамчиси Н.Қобилжоновнинг жиноят ишини ярашганлик муносабати билан тугатиш ҳақидаги фикрларини эшитиб, гумон қилинувчи Р.Хусанбаевнинг айбига иқрорлиги ва етказилган зарарнинг тўлиқ қопланганлиги, жабрланувчи ва гумон қилинувчига бирон-бир тазйиқ бўлмаганлиги, ярашув гумон қилинувчи ва жабрланувчининг хоҳишлари билан бўлаётганлиги ҳамда Ўзбекистон Республикаси Жиноят кодекси 168-моддаси 1-қисмида назарда тутилган жиноят ЖКнинг 66¹-моддасига мувофиқ, ярашувга тушишини инобатга олиб, томонларнинг ярашганлик ҳақидаги аризаларини қабул қилиб, жиноят ишини тугатишни лозим топади.

Юқоридагиларга кўра, Ўзбекистон Республикаси ЖПК 84, 582, 583, 585-586-моддаларига асосланиб, суд

А Ж Р И М Қ И Л Д И:

Хусанбаев Рўзимухаммад Исмоилжон ўғли Ўзбекистон Республикаси Жиноят кодекси 168-моддаси 1-қисми билан ЖКнинг 66¹-моддасига асосан жинойий жавобгарликдан озод қилинсин.

Р.Хусанбаевга нисбатан жиноят иши Ўзбекистон Республикаси ЖПКнинг 84-моддаси 4-қисмига асосан унинг айблилик ҳақидаги масала ҳал қилинмасдан тугатилсин.

Ажрим устидан у чиқарилган кундан эътиборан йигирма кунлик муддатда хусусий шикоят ёки хусусий протест берилиши мумкин.

Раислик қилувчи

М.Марахимов

